



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1847

CCXXXVIII. Der Markgraf Ludwig d. ä. bestätigt dem Domcapitel den Besitz des Dorfes Plötzin, am 22. Nov. 1346.

[urn:nbn:de:hbz:466:1-54048](https://nbn-resolving.org/urn:nbn:de:hbz:466:1-54048)

morte quondam Prepositi supradicti, vt comparerent coram nobis vel dicto domino Episcopo in Brandenburg feria sexta proxima post festum corporis Christi anni presentis, ad docendum ibidem coram ipso Domino vel coram nobis de huiusmodi interesse, quoniam dictus Dominus Episcopus et nos parati eramus eos audire et facere quicquid de iure eis esset faciendum, iuxta mandatum Apostolicum, dicto Domino Episcopo scriptum, et aliter procedere prout de iure esset procedendum. Dicta vero feria sexta adveniente comparuit coram nobis Brandenburgifer discretus vir Dominus Johannes Notarius Consulium et universitatis oppidorum predictorum et ibidem diligenter nomine et pro parte Consulium et universitatis predictae requisivit et expectavit, si qui ex adverso comparerent, pretendentes aliquid interesse de morte supra dicta vel aliquid allegantes, quare ad absolutionem predictorum hominum procedi non deberet, et quia finaliter nullus comparuit coram nobis, qui sua diceret interesse de morte Prepositi supradicti, dictus dominus Johannes contumaciam omnium et singulorum, si qui essent, quorum interesset de morte quondam Nicolai Prepositi supra dicti accusavit, et ipsos petiit contumaces per nos reputari. Et nos similiter dicta feria sexta in Brandenburg satis expectavimus, si aliqui vel aliquis ex parte dictorum Citatorum compareret vel aliquid diceret, quod absolutioni dictorum hominum obstaret, et quia nullus comparuit, vt predictum est, ipsos omnes et singulos sic publice in diversis locis citatos et non venientes ad petitionem dicti domini Johannis reputavimus et reputamus presentibus contumaces. In cuius rei testimonium sigilla nostra presentibus sunt appensa. Datum Brandenburg, die Sabbathi proxima post festum corporis Christi, anno Domini M^o. CCC^o. XLIV^o.

Hibicini's Beiträge Theil IV, 31.

CCXXXVIII. Der Markgraf Ludwig d. ä. bestätigt dem Domcapitel den Besitz des Dorfes Plotzin, am 22. Nov. 1346.

Noverint universi tenorem presentium literarum inspecturi, quod nos Ludovicus, dei gratia Brandenburgensis et Lusatiae marchio etc. ex literarum illustris principis Ottonis, marchionis secundi et aliorum dominorum marchionum, predecessorum nostrorum pie recordationis, nobis per dominum prepositum ecclesie Brandenburgensis exhibitarum inspectione ad plenum intelleximus, villam Plotzin cum omnibus appendiciis et cum precariis, servitiis et advocatia longis retroactis temporibus ad ecclesiam Brandenburgensem predictam in proprium pertinere; Preterea in casu, quo litere eorundem predecessorum nostrorum in aliqua parte essent defectuose, nos in recompensam gratiarum laborum, expensarum et damnorum, que supra dicti prepositus et ecclesia Brandenburgensis nomine nostri et subditorum nostrorum ac terre nostre in causa, quam dominus archiepiscopus Magdeburgensis nobis movit, super addendo et supplendo damus et appropriamus per presentes, sepedictis preposito et ecclesie Brandenburgensis prefatam villam Plotzin cum omnibus suis juribus, terminis, distinctionibus, pacto, censu, redditibus, terris cultis et incultis, pascuis, fructibus, molendinis, consuetudinibus, advocatiis ac cum omnibus et singulis precariis, servitiis et libertatibus et pertinentiis suis universis, insuper quod in posterum nec capitanei, advocati, bedelli, nuncii, nec officii nostri, nostrorum heredum et successorum nec quispiam cujuscunque conditionis seu status extiterit, eorum nomine in prefata villa Plotzin hospitando, exactionando nec in advocatiis, petitionibus, contributionibus, precariis, servitiis seu preceptis nec aliquo modo perpetuis temporibus intramittant, et si secus per aliquem pre-

dictorum attentatum fuerit, et si infra mensem ex parte prepositi et ecclesie predictorum requisitus non satisfecerit cum effectu, extunc absque nostra et heredum et successorum nostrorum contradictione et indignatione eundem ad satisfaciendum sibi valebunt per censuram ecclesiasticam coartare. In ejus rei testimonium etc. Testes hujus rei sunt nobiles viri Johannes, Burggravius de Nurnberch, Ulrichus comes de Lindow, nec non strenui viri Johannes Hufner, curie nostre magister, ac Marquardus de Loterpeg, advocatus noster in Spandow. Datum Spandow, anno domini M. CCC. XLVI die beate Cecilie virginis.

Nach einer Copie im ältern Copialbuche.

CCXXXIX. Der Bischof Dietrich von Sarepta erhält auf Lebenszeit den wüsten Hof Mukede unter der Bedingung vom Domcapitel, daß er ihn wieder aufbauet, am 15. Juni 1347.

Nos frater Thidericus, miseratione divina episcopus ecclesie Sareptensis, presentibus recognoscimus, quod honorabiles viri, domini Thidericus prepositus, Johannes prior et capitulum ecclesie Brandenburgensis curiam Mukede, ad se nomine ecclesie sue cum omni jure pertinentem, in presenti tamen tam in edificiis quam agrorum cultura desertam, nobis ad vitam nostram cum omnibus fructibus, utilitatibus et pertinentiis suis, quibus eam nomine ecclesie sue hactenus habuerunt, possidendam donaverunt, ita quod ipsam reedificare, agros ad culturam reducere in omnibus, quibus poterimus meliorare ac ipsam in obitu nostro cum omni melioratione et quibuscunque bonis et rebus mobilibus et sese moventibus, que tunc ibidem, deo dante, fuerint, libere relinquere pro remedio animarum nostre et progenitorum nostrorum debeamus, quorumlibet consanguineorum, affinium aut heredum nostrorum impetitione, quam successione, donatione testamenti vel legati assignatione aut quolibet alia causa vendicare poterunt, non obstante. Sane domini prepositus, prior et capitulum supradicti sibi obtinuerunt potestatem ibidem edificandi fornacem et horreum et glebam fodendi et ligna combustibilia cedendi pro lateribus ad usum ecclesie sue faciendis et similiter cedendi ligna valentia ad construendum dictum horreum et alia edificia ecclesie sue edificanda et etiam restauranda, nec non gramina viginti jugerum in suos usus convertendi. Nos igitur ipsis presentibus firmiter promittimus, quod eis et suis successoribus omnia et singula suprascripta volumus fideliter adimplere et inviolabiliter observare. In quorum omnium testimonium nostrum sigillum una cum sigillo venerabilis in Christo patris et domini nostri, domini Ludovici episcopi dicte Brandenburgensis ecclesie et nove civitatis Brandenburg presentibus est appensum.

Et nos, Ludovicus, dei gratia episcopus ecclesie Brandenburgensis, ad preces dicti venerabilis patris domini Thiderici episcopi ecclesie Sareptensis omnia et singula suprascripta laudamus, approbamus eaque in dei nomine auctoritate ordinaria confirmamus et appensione nostri sigilli roboramus.

Et nos Petrus Tuchem et Henningus Roschow proconsules alique universi consules dicte nove civitatis Brandenburgensis sigillum ejusdem civitatis ad preces dicti domini Thiderici episcopi ecclesie Sareptensis duximus presentibus appendendum. Actum et datum Brandenburg in die beatorum Viti et ejus sociorum anno domini M^o. CCC^o. XL^o. septimo.

Nach einer Copie im ältern Copialbuche.